



UNIVERSITÄTS-
BIBLIOTHEK
PADERBORN

Universitätsbibliothek Paderborn

Carminvm Iacobi Albani Ghibbesii, Poetae Lavreati Caesarei, Pars Lyrica

Gibbes, James Alban

Romae, 1668

Iacobo Rospigliosio, Clementis IX. Pont. Max. Fratris Filio. Ob receptum è Belgio patronum veterem, ac Romam ad sacram Purpuram euocatum, Ghibbesius aram non iam Fortunæ dominæ casus, sed Virtuti ...

urn:nbn:de:hbz:466:1-13378

94 IAC. ALB. GHIBBESII
Marfyæ ritu Cromoëllus virem
Præstet habendo !
Da, puer, plenos calices in orbem ;
Redditus septem Carolus bibatur :
Luce quid sacrâ potiùs GEORGI
Fecerit Anglus ?

IACOBO ROSPIGLIOSIO,
CLEMENTIS IX. PONT. MAX.
Fratri Filio.

*Ob receptum è Belgio patronum veterem, ac Romanum
ad sacram Purpuram euocatum, Ghibbesius aram non
iam Fortune domina casus, sed Virtuti Reduci, qua
meritorum est spectatrix, exultabundus statuit.*

O D E X.

O Mine, & voto, precibusquè tractus
Gaudia instauras, IACOBE, Romæ ;
Post coronatum Patrum daturus
Iura Quirino .
Quin ad extremas moderamen oras
Rex feres latè minor, obsequentem
Aurêâ ducens populum catenâ
Herculis instar .
Illa vis linguæ micat, illa mentis ,
Illa diuini rapit aura vultûs ,
Fortior Musis, & agente tigres
Fortior Orpheo .
Nam quod arguræ melos Hippocrenes
Pulsibus certet benè temperati
Pectoris? quondâm potuère chordas
Vincere fibræ .
Ignium est verè Samius rotantum
Iste concentus ; nequè fabuloso
Stat fides cœlo, Siculâ quod iuit
Arte per horas .

Inue-

Inuenit stellas animus serenus,
 Vel facit: totum gerit intus axem;
 Cui quies semper comes, & voluptas,
 Et iocus omnis.

Talis assistit tibi, clare Princeps,
 Fidus heroi Genius; remotis
 Quod foret mirum generosa Belgis
 Cernere facta.

Vnde centenis grauidum trophæis
 Magnus acciuit Pater, ut curuli
 Per viam sacram vehereris albâ,
 Martis in vrbe,

Ipse palmato rubicundus ostro,
 Proximus, turbâ comitante, sanguis:
 Dum sonat plausus, feriuntque lætæ
 Sidera voces.

Sæpè præcepit rudis herba messem, &
 Spes boni tempus facit ire præsens:
 Sic tui lucro reditus Quirites
 Antè fruuntur.

Quos dies promunt, duce te, beatos!
 Quos dies condunt sibi quisque regnum
 Deorat iam nunc radiantis æui
 Diuite venâ.

Candidas CLEMENS reparauit artes
 Sanctus immensi moderator orbis:
 Tu graue exemplum solides, memento,
 Subditus Atlas.

Iuuerit noxæ statuisse pœnam,
 Præmio rectum decorare digno:
 Iuuerit probri facilemque laudis
 Noscere ciues.

Omnis edicti fore enim tenacem
 Certius gentem, dominisque pronam
 Fascibus, cum lex proceres & imos
 Ceperit æqua.

Publicæ par res erit hæc Platonis,
 Tu reges quando Sapiens. Faceſſat

Pace cum longâ Numa, praualebunt
Otia nostra.

Dexter ô adsis igitur, nec almæ
Differas vr̄bis decus, aut precantum
Vota : tam nullis adamata nautis
Stella refulfit .

Hic ego, spretâ vice fortis, aram
Pono Virtuti reduci : sit illa
Numen Augusti, meritis dicabo
Thuris honorem .

DIALOGVS
GHIBBESII ET PSYCHES.

*Missis pœticipis studijs, quæ recreant animum, anima ne-
gorio, quod magis urget, vacare in posterum unice
constituit .*

O D E X I.

GH. **D** Vm certo tibi foedere
Hærebam socius, nec bona mutuam
Conferre abnueras opem ;
Auroræ potui spernere Phosphorum .

Ps. Dùm non mentem aliò leuis
Vertisti, nequè erat post Polyhymniam
Psyche ; tunc tua candidè ,
Vel Solis potui spernere Cynthiam .

GH. Siren cantibus efficax
Vocisquè & citharæ Pieris attrahit :
Quam vates docilis sequar
Mulcentem tremulo carmina pollice .

Ps. Illic gratior artium
Me cœli recreat Christus imagine :
Quem per dura sequar crucis
Pingentem roseo sidera sanguine ?

GH. O factum benè ! tu mihi ,
Psyche, rursus eris pro Polyhymniâ :

Par-